

GENEALOGIE

OV

L'EXTRACTION ET VIE

DE

IVILLE MAZARIN.

CARDINAL ET MINISTRE

d'Estat en France.

AVEC LE RONDEAV DV DIT CARDINAL

MAZARIN.



A PARIS,

louxte la coppie Imprimée

A ENVERS.

2
GENEALOGIE

O V

L'EXTRACTION ET VIE

DE IULLE MAZARIN.

A present Cardinal & Ministre d'Estat en France.

LA premiere chose que ie demande de toy (Amy Lecteur) est la Louange que tu dois à Dieu, de ce que tu peus lire en France, ce qui s'ensuit, & sçauoir comme si tu auois esté sur les lieux de la Naissance de la personne de laquelle ie pretends te faire voir icy vn abregé.

Pierre Mazarin estoit natif de Scicille, lequel estoit Marchand, & apres auoir negocié quelque temps, soit qu'il aye esté ruyné par les iniures du temps, ou autrement, il fut contrainct de faire banquerouste de sommes immences, & pour la seureté du reste de son bien, prist la fuite & se refugia à Rome avec sa famille, de laquelle il auoit deux fils, dont l'un estoit Archeuesque d'Aix, & à present Cardinal de sainte Cicille, & l'autre Iulle Mazarin, non encore en aucune charge.

Cetuy Iulle Mazarin commençant à deuenir en âge com-
petant, se mit à seruir en la maison de Messieurs les Colonneze dans la Ville de Rome, & apres en celle de Sachetty, avec l'argent desquels non de petites sommes pour luy, eu esgard à sa condition, par diuerses voyes, & particuliere-

ment par celle du Ieu : deuint grandement pecunieux. L'affection que Messieurs de Sachetty luy portoient luy cause-
rent le commencement de sa fortune ; car l'ayant mis en
bonne estime auprès du Cardinal Antonio Barbarin, il le
prit en sa Cour, lequel pour monstrier l'affection qu'il por-
toit à la maison de Sachetty, il l'auroit fait mettre en digni-
té & Prelature, sollicitant de tout son pouuoir le Pape Vr-
bain VIII. lors seant en la Chaire saint Pierre, de l'enuoyer
pour Nonce auprès de Charles Emanuel Duc de Sauoye,
ce que sa Sainteté octroya à Antonio.

Mais auparauant cette legation, pour accorder les diffe-
rends qui estoient entre l'Empereur, le Roy d'Espagne, &
le Duc de Mantoüe, & faire partir les François de Cazal, il
passa au Mont-Ferrat, où il negocia, & par son intelligence
secrete fit sortir les François par vne porte, & entre par
vne autre : ayant premierement fait partir les Espagnols &
Allemans hors de Mantoüe, laissant les François dans Ca-
zal ; mettant par ce moyen la conscience & l'honneur d'Vr-
bain en compromis, trompant frauduleusement, non seule-
ment le Roy d'Espagne, mais encore l'Empereur, d'où s'en
sont ensuiuies les sanglantes guerres & Batailles de l'Estat
de Milan, Flandres & Allemagne.

Par le moyen de cette negociation, il se mit dans la bien-
veillance du Roy tres-Chrestien, puis entra en affection
avec le Cardinal de Richelieu, lequel croyant l'esprit de
Iulle, propre aux desseins qu'il auoit pour le bien de la Cou-
ronne, auroit demandé à sa Sainteté le Chapeau de Car-
dinal, pour Iulle Mazarin, desirant le remmuner & grati-
fier de la trahison par luy faite au Roy d'Espagne, duquel il
estoit vassal.

Sa Saincteté ſçachant le procéde de Iulle, refuſa le Chapeau de Cardinal, diſant que ſ'il plaiſoit à ſa Maieſté nommer quelqu'un de ſes ſujets, ou autre perſonne, qu'il luy accorderoit volontiers, mais non pas pour Iulle Mazarin: Neantmoins ſa Maieſté pria derechef ſa Saincteté avec grande inſtance, il prit cette affaire ſi à cœur, que le Pape fut contraint de luy accorder, le fit appeller au Cardinalat; & pour ne point faire tort au Roy Catholique, & ne voulant eſtre en mauuiſe grace avec luy, auquel il auoit reſuſé la meſme choſe pour Contalco, il luy accorda pareillement. & fut auſſi appellé au Cardinalat, & en exclus le ſieur Viſconti, auquel il l'auoit auparauant reſuſé, luy ayant eſté demandé par la Couronne de Pologne.

Tout cecy a ſuccédé la mort du Cardinal de Richelieu, apres laquelle il a commandé en ſa place, ayant eſté iceluy Mazarin, par luy reſcommené à ſa Maieſté, elle le fit ſon Conſeiller d'Eſtat, dont il y en eut qui conceurent grande haines contre luy. Ce Cardinal eſt deuenu ſi riche & ſi opulant qu'il ſ'eſtime auoir plus d'or & d'argent qu'aucun Seigneur de l'Europe: il a acheté le fameux Palais du deſſunct Cardinal Bentiuoglio, ſcitué au monté Cauallo, pendant la vie du deſſunct Pape Urbain, il a demandé pluſieurs fois permiſſion à ſa Maieſté, de retourner à Rome pour prendre le Chapeau de Cardinal, ce qu'il ne peut obtenir.

La mort de ſa Maieſté eſtant ſuruenüe, il a regy avec grande authorité, & fuſt déclaré l'un des executeur de ſon teſtament, & pour dire vray il a pretendu aſſeuietir les Princes du ſang Royal à ſes commandemens, & pour ce ſubiet, il a ſuppoſé que l'on auoit voulu attenter à ſa perſonne, Monsieur de Beaufort a le premier ſenty les coups de ſon indignation,

quoy

577
822
5
quoy qu'innocent fut enfermé au bois de Vincenne par la sollicitation, mais ça esté vn stratageme duquel il s'est seruy, pour voir si la Reine pouruoiroit à la seureté de sa personne, & l'on luy bailleroit des gardes : ce qui luy a succédé, car la dite Dame Reine pour l'affection qu'elle luy porte, la fait changer en son Palais, afin qu'estant gardé comme le Roy, empescheroit qu'il ne fust offensé.

Ce Cardinal, est celuy qui dés long-temps a recherché à trauerser dans le Conclau la felicité, & tenir la gloire du Cardinal Panphilio, & c'est encore luy qui aujourd'huy cherche seditieusement à intimider le Pape par la voye & force des armes à se desister de la Iustice qu'il a droit de faire contre les Barbarins.

Il aura le iuste & tres-digne chastiment de sa faute.

Dans ce temps arriua à Rome monsieur de Sennéterre, qui portoit la figure du Roy pour la presenter à la sainte Chappelle de Lorette, & par iceluy Iulle Mazarin enuoya grande quantité de richesses en intention de s'en retourner en Italie crainte de quelque mauuais succez contre sa personne.

Dans ce mesme temps il courut vn bruit à Rome qui dura assez long-temps, concernant quantite de grande remises de deniers que ledit Mazarin faisoit faire pour luy, ce qui est tout certain ayant amassé de grands thresors, mais il n'a rien aduancé, car pendant que le Pape Innocent dixiesme viura, il se tient pour asseuré comme article de Foy, que Iulle Mazarin n'entrera iamais dans Rome, estant d'Innocent mal affectionné & ennemy d'iceluy.

Le mesme Mazarin cause le mal que souffre le Roy Catholique en ses Estats & que, pour cét effet il l'a déclaré,

non seulement à luy, mais à tous ses parens traistres & rebelles à sadite Maiesté dans tous ses Estats.

Au temps que Iulle mazarin suiuoit la milice, il estoit grandement vicieux, grand ioüeur & dissolu, & en plusieurs occasions & rencontres il a receu, non de petites, mais de grandes blessures, & notamment pour le differend des femmes, mais à present l'on dit qu'il est plus modeste & qu'il tient sa grauité, & s'attache fort aux bons benefices de France, ne visant pas à la despence pour regaler ceux qui bon luy semble, sçachant qu'il n'y va rien du sien. Comme il a fait aux Babarins, lesquels il a deffendu, mais le Pape connoissant bien que ce n'est pas le Roy qui les a protegez, & que c'est Iulle mazarin sous l'Authorité d'iceluy, ne se desiste nullement de l'aduersion qu'il a conceu contre luy; enfin ie veux dire les paroles que dit saint Paul : *Omnes insulani Mali, sicule autem pessimi.*

En la Cour de Rome il y est en tres-mauuaise estime pour les seditions que son esprit turbulent y a esmeuës contre la Chrestienté; il n'est guere bon amy des Fiorenzella, à cause de certains interests particuliers & desgousts passez interuenus en consideration du pere Mazarin son frere, cy-deuant nommé en la Religion Dominiquaine du temps qu'il estoit Maistre du sacré Palais, & encore lors qu'il fut fait general dudit Ordre.

Tu sçait, Amy Lecteur, qu'il a empesché la conclusion d'une Paix generale, pour les desseins qu'il a de despoüiller le Royaume de routes ses finances, se les approprians, au lieu de les employer aux affaires de la guerre, pour lesquelles elles sont destinées : & lors que cét Auguste Senat a voulu prendre cognoissance de tant de millions qui se sont leuez

7
en France, depuis la mort du feu Roy, a par ses pernicious
Conseils, conseillé la Reyne d'attenter sur les Illustres Per-
sonnes de se fameux Parlement, qui a causé la reuolution de
Paris; Ce qui a failly de perdre monsieur le Chancelier, &
mesme le Grand maistre de l'Artillerie de France, & beau-
coup d'autres Seigneurs, qu'il a subtilement gagné, suscité
de prendre les Armes contre l'Estat du Roy, & de sa bonne
ville de Paris, laquelle est contrainte de prendre les Armes
pour le seruice de Dieu & de son Roy, pour auoir par sa
tres-grande liberté, souffert vn execrable ministre en ses
Estats.

De plus, a fait en sorte que le Roy & monsieur son frere
ayent été enleué à vne heure apres minuit, & contraindre la
Cour à le suiure par ses ruses; ce qu'aujourd'huy nos tres-
magnanime Seigneurs de Parlement ont esté contraint de
n'obser ny Feste ny Dimanche pour faire Assemblée, com-
me ont fait aussi messieurs de Ville, pour donner ordre aux
affaire du Roy aume, amasser des gens de guerre, & courre
sus les ennemis du Roy & de l'Estat, qui pretendent affa-
mer cette bonne Ville de Paris (la fleur du Royaume, mais
la quantité de Noblesse, Bourgeois & autres, proteste de-
uant Dieu qu'il espancheront plustost iusques à la derniere
goutte de leur sang & celuy de leurs enfans, qu'ils n'ayent
raison de l'iniure que l'on fait à Dieu, au Roy, & à son Estat.

LE RONDEAU DV CARDINAL MAZARIN.

Monter si haut ! hé Dieu quelle impudence,
D'un lieu si bas à si haute Eminence ;
Ce bancroutier voyoit les Grands sous tuy,
Et sa faueur rechercher de l'appuy ;
Car il estoit presque au Throsne du Roy :
Qui pourroit croire vne telle insolence,
Et il faudroit estre de son angeance,
Pour le souffrir par sa mauuaise foy,

Monter si haut.

Pour Couronner vne telle insolence,
Il faut qu'il monte aux Cieux par sa vigilance ;
Alors chacun iroit en bel arroy,
Pour l'honorer d'un Salue comme moy,
Le pouuant voir en cette decadence,

Monter si haut.